

四庫全書

集部

欽定四庫全書

石倉歷代詩選卷三百六十九

明 曹學佺 編

明詩次集三

童瑄

題淵明歸去圖

淵明高世士小試慙牛刀江山非典午富貴輕鴻毛胡
為向督郵五斗時折腰歸來三逕中黃花露霜饒濁酒

一瓢興清風千古高

題隋宮清夜遊圖

欄干月轉垂楊影露華如水銀屏冷君王西苑夜未眠
紫衣小隊前馳引清歌踏月立調遲妙舞翻雲翠袖低
綠鬟侍擁抹螺黛行行按節金蓮齊十六院中多雅趣
臺觀紫紆疊青翠菱荷池館晚風涼剪綵為花能巧製
鑾輿馳逐過離宮蓬萊路與瀛洲通周環佳勝二百里
終宵行樂心無窮絳紗寶燭銷紅雪珠箔重重卷明月

宿鳥驚飛花底枝銅龍冰向樓頭咽追歡只謂常如斯
興亡豈意皆人爲一朝天下共騷動始知樂極還生悲
向來富貴知何許一代繁華逐流水愁絕殘垣敗草深
幾度疎螢照寒雨

登黃鶴樓

晚晴扶醉一登樓吳楚衣冠歎昔遊黃鶴不來人事異
白雲飛盡古今愁石亭落日迷芳草湓浦西風送客舟
極目故園何處是蒹葭零落滿汀洲

題海棠白頭翁圖

旅食京華二十秋
鬢毛如雪為多憂
幽禽不識春風趣
底事花間也白頭

附童軒

字士昂號雪厓瑄之子
也所著有清風亭稿

楊柳枝

細雨染鵝黃
絲絲拂水長
遊人出門去
惆悵惜春光
纔看葉闌看
又見花飛雪
只恐秋風生
長條不堪折

車遥遥

征車將早適起拂車上霜淡月殘星白遙思路正長驅
車出門遠少婦腸空斷不見車上人但聆鐸聲轉鐸聲
去悠悠聞道成涼州不識涼州路空懷萬里愁愁來不
能禦魂逐車輪去願作石尤風吹折車前樹

野田黃雀行

嘖嘖野田雀羣飛隨處饒時來晚禾裏啄啄爭肥磽窮
老逼官租終歲常苦號如何相聚食不間夕與朝山長
少彈射地僻多蓬蒿飛飛信得所寧知農事勞

門有車馬客行

門有車馬客駕言來故里念子久不歸契濶近一紀主
人延客坐悲泣不得語移時敘寒暄始復相爾汝借問
邦族間親知今有幾一一聽客言大非疇昔比壯者死
行役老者半為鬼前年困征徭十戶九凍餒去年坐買
辦往往粥妻子上司急誅求鞭撻不少止貪吏寡仁恕
浚削至腦髓言罷各掩泣張燈具雞黍觴行四三酌深
竹暝寒雨平明客登途愁緒誰為理

田家雜興

東風扇微和百艸萋以綠林間倉庚鳴正爾春景燠田
夫喜春到相率殖嘉穀時雨夜來過新苗青簇簇老翁
負薪回稚子飯黃犢幸逢官府閒近日少徭役努力事
耕耘毋為餓空谷

其二

步履出東郭南風溪午時偶來松樹下竚立澹忘機野
老見我至情親語依依桑蠶已浴麥深雉初飛俯仰

玩物理逍遙詠而歸寄謝王良子虛名徒爾為

其三

田家無外求所願營一飽今秋幸少豐處處熟禾稻租
賦輸官倉里胥夜不到張筵會賓朋雞黍雜梨棗相對
陶一觴頽然玉山倒

其四

茆簷冬日暖懷抱良不惡柴門晝始開雞犬散籬落今
朝無客至婦子相聚樂牀頭熟新酒聊復共斟酌高歌

亦自慰焉知死溝壑

思與君別來

思與君別來兩見落葉黃迢迢隔千里各在天一方欲
往恨無翼欲涉川無梁昔者固膠漆今胡作參商砥平
長安道人馬自輝光不念莫逆好虛名竟乖張南箕豈
堪簸牽牛難服箱憂來不可輟撫膺獨彷徨亮無金石
心與君永相忘

自曲靖回至楊林觀田家刈穫有成

輜車至楊林秋日正卓午時維九月候穠稔滿填土田
家急收穫處處築場圃甌窶亦滿篝牛載更兒負筋力
誠乃疲腰背若偃僂所願在有秋不復辭此苦寧知輸
官倉所得遺幾許貧家計口食歲暮復稱舉因思井田
制百畝什一取是時人足食狼戾厭禾黍呼醵擊肥鮮
含哺醉起舞此樂不復見使我熱衷腑所冀良有司善
政去苛虎悍吏不打門瘡孔或少補作詩告民收殷勤
為摩撫

贈清貧上人

黃金沙界名淨土中有僧為持教祖說法能超最上乘
常感天花向空舞禪關盡日白雲封為愛疎閒似遠公
秋雨涼蟬三選葉夕陽歸鳥一聲鐘支頤夜坐林間石
白月清潭了無迹問師戒臘今幾何笑指青松數千尺
有時聚石講經文石頭點盡如有聞有時浮杯去渡海
踏碎萬頃玻璃雲歸來清梵維摩室何用區區九年壁
降龍解虎人不知惟有閭丘老人識

過歌風臺

望夷宮中箭如雨，芒碭山前五雲起。
沛公持劍走咸陽，百二河山屬真主。
烏騅已逝走狗烹，威加四海來故鄉。
臺前父老奉觴壽，酒酣激烈歌聲長。
高皇龍去臺應朽，猛士何人四方守。
落日悲風動地來，蕭蕭但見臺前柳。
豈不聞姑蘇草長遊麋鹿，銅爵年深野狐哭。
惟有陶唐三尺堦，千載人思太平福。

秋江晚眺圖為曹憲副廷璋題

金門畫史小李徒何年寫此秋江圖斜陽杳杳丁林杪
隔岼幾點青山孤時當深秋八九月紅葉似錦煙中鋪
清霜蕭蕭悴高柳淺水獵獵涵疎蒲茆亭一箇傍山麓
人迹不到堆寒蕪就中豈無高尚者皓首甘作林泉枯
江頭二客久不去氣岼頗似黃與蘇抱琴何處覓知己
矯首眺望仍踟躕磯邊舴艋差可渡似欲放浪為歡娛
水清沙白秋正肅佳趣仿佛君山隅斷霞留影帶殘雨
連雁欲下相驚呼前村有酒可剝酤亦有巨口松江鱸

江山若此不一醉歲月幾何空負吾望中疑是尚書宅
青紅樓閣相縈紆書聲隱隱起林壑劍氣煜煜騰天衢
年登百頃刈雲子歲晚千頭收木奴地靈豈徒富物產
人才項背無時無鳳池烏府相照耀山川鍾秀信不誣
君家世業有如此輞川赤壁焉能逾何時許我載輕舸
與君汗漫登蓬壺

行路難

行路難太行九折何盤盤枯藤老樹挂絕壁攬衣欲上

愁難攀行路難瞿塘三峽激流湍舟行咫尺苦難進宛
如生度蛟龍關山之高水之險不似人心千萬變人心
危峻不可窺眼前突兀峰九疑人心險詐不可測平地
波瀾起千尺當年握手出肺肝詎料相逢不相識春風
昨日五侯門秋雨今朝廷尉宅君不見春申舍人有李
園棘門之禍誠何冤又不見田文車馬三千客五百姓
名書怨牒行路難危于山險于水不獨悠悠世上兒骨
肉相看亦如此行路之難難莫比

君馬黃

君馬黃我馬白共拂中車朝禁闕一朝君馬生光輝渭
橋金市馳如飛翠絲作轡玉為勒芻豢盈筐秋正肥吁
嗟我馬徒神骨緩轡周行思湔浹西風一夜凍霜華廐
上空餘乾苜宿

將進酒

將進酒君莫辭請君聽我歌新詞百年三萬六千日一
歲歡娛能幾時君不見古人名利相奔趨蘭亭梓澤皆

丘墟何如秦宮花下醉滿堂明月紅氍毹榮辱信有命
富貴亦有期一朝光寵還自至何須讀盡人間書黃金
注白玉鐘綠醅初潑蒲萄濃貂裘不惜酒家換便當醉
卧埋春風盛時一去不再返綠鬢明朝成老翁將進酒
杯莫空雲臺煙閣我何有仰天大笑浮雲東

采蓮曲

采蓮朝下湖西曲短袂輕綃鬪粧束小紅艇子駕雙橈
盪破粼粼鏡光綠荷葉荷花颺錦雲鴛鴦兩兩護波紋

荷錢却喜似儂鉏藕絲還愛似儂蓑湖頭昨夜西風雨
沙嘴新添三尺水翠倒紅翻相向愁波心半露青蓮子
采蓮復采蓮回船正迎浪不嗔歸去遲只嫌明月上明
月團團湖水秋清光滿面照儂羞郎家只隔湖南垞咫尺
尺橫波日夜流

燕歌行贈徐七遵誨

黑雲黯黯陰山北跨馬長征出邊塞腰間寶劍縣真鉤
寒光閃爍青芙蓉一從仗劍出蕭關幾載風塵瀕洞間

鐵甲戰酣青海月羽書飛捷白狼山論功自合分茅土
猶向軍前朝沐雨可憐白首困窮荒虎帳何人日歌舞
滿地腥風血色腓輪臺萬里居人稀邊城吹笛朝出牧
壯士橫戈夜突圍從戎却念辭家久數竒尚落他人後
一聲寒角秋風鳴望鄉幾度頻搔首男兒離別何足歎
才器如君世稀有間外曾有推轂時肘後黃金印如斗
玉門鐵騎去紛紛更上燕然勒大勲君不見漢世匈奴
多繫頸至今猶說衛將軍

巫山高

巫山高，高望不極，疊巘連崖，倚天碧雲，裏芙蓉十二峰。
宛如神女晚粧濃。襄王已去，今千載行雨行雲，尚有蹤。
朝朝暮暮，荒臺下幾見行人，時駐馬玉珮仙香，香不聞。
空有神巫奏歌舞，路入楓林，樹色青古。祠飛雨亂苔生。
相思何處，愁魂斷木葉蕭蕭，猿夜聲。

劉生

少年學武兼學文，姓名不屬羽林軍。殺人睚眦不敢視。

橫行抱劍遊三秦
關鷄擊筑時
將暮馬蹄慣踏重臺路
一朝官裏賜銅符
百戰捐身寧後顧
平生挽弓能挽強
區區郭解何足當
願為豫讓報恩死
不學李陵嬰耻亡

江南曲

桃花斑斑落紅雨
玉缸春酒濃如乳
吳姬白紵裁舞衣
一曲嬌歌少年子
江頭日晚停商舶
衆中金多為上客
當壚一斗沽十千
引滿紅螺吸明月
杯空月落江水寒
勸君且宿茱萸灣
遲明大扁挂帆去
千里煙波傷玉顏

結襪子

大梁公子信陵君貴介豈比諸侯卿平生折節能下士
夷門屠市俱成名信陵一去今千載開閣平津竟虛待
士風愈下俗愈偷望履呈身何足怪籠絡紛紛難具陳
私恩桃李滿門春周公吐哺不可見吁嗟結襪今何人

長安道

長安在何許定鼎燕薊北周道千里平商邑四方極金
臺玉壘何雄哉重關設險從天來黃道祥光直南見紫

微中宮正北開天連閣道星辰拱日射觚稜金碧聳百
尺大樓五鳳飛九重魏闕雙龍擁長樂鐘聲曙色寒千
官劔履集朝端龍函捧勅頒三殿象輦駝琛響八鑾皇
家制度超前古文物聲明播寰宇白雉遙聞貢越裳龍
媒又見來西土太平治道軼唐虞彬彬多士皆文儒楊
雄已奏甘泉賦司馬還陳封禪書蕊龍王氣浮丹扆承
露金莖矗雲起紫禁彤墀月似銀玉河金水花如綺九
陌香塵拂面飛鳴珂初散午門西王侯第宅施行馬公

子園亭爭鬪雞王侯公子多如雨大道青樓聯戚里玉
笙吹月鳳雙飛繡幙圍春鸚並語雕鞍寶蓋日過從片
言出口生華風始見金張初賜第俄聞衛霍又旌功六
街三市相連絡佛舍飛甍約丹雘百貨都歸大內東人
才盡入平津閣御史臺前烏欲啼將軍營裏馬頻嘶教
坊夜月人如玉上苑春風錦作畦風光節物年年在萬
世山河長不改罷官廷尉自書門遷仕中丞彌映彩莫
言李廣不封侯誰惜馮唐易白頭青史功名已矣江

湖高起見京樓

明妃引

陰風烈烈吹黃沙
稽落山下愁雲賒
明妃馬上面如玉
萬里去適單于家
玉關漸遠人煙絕
回首漢宮惟見月
琵琶掩恨去路長
胡雁叫寒天欲雪
天欲雪孤兔愁殷
檉蕭蕭古塞秋
願將一掬思鄉淚
寄與黃河東去流
君不見古來戰士長
城死白骨纍纍多
似蟻妾身雖辱亦
不辭忍使健兒作
胡鬼

禽言四首

阿嫂阿嫂兄弟而今俱已老斗粟從來尚可春慎勿闕
牆競些小阿嫂阿嫂

苦苦苦苦避却蒼鷹逢乳虎年年剝削無了期那得官
中生卓魯苦苦苦苦

養蠶忙阿姑携筐婦采桑蠶老作繭姑勿喜官絹正輸
三丈強養蠶忙

急急賒號寒啼飢難過活賣田且了今年租辛苦來年

只傭作急急聒

宿白塔寺

夜宿招提境蕭然世外蹤
雨腥龍出洞月冷鶴歸松
影露林間塔聲傳澗裏鐘
空門應不鎖常惜白雲封

謫所有懷舊遊諸友

憶昔論交日相知盡少年
季良身任俠叔度世稱賢
夜雨彈碁局春風放酒船
飄零各分手愁絕越江邊

懷劉繡衣廷高

鄉里交遊輩情深喜見君一緘勞寄意兩地惜離羣白
馬人傳疏雕龍世愛文幾回馳戀切春樹暗江雲

泊九龍灘

九龍灘下泊煙景暗蒼苔樹影臨流出鐘聲渡水來江
空鷗伴少風急雁羣哀正爾懷人切愁雲滿釣臺

舟中雜詠

秋水青于染官河放去艘波光迷草閣山色到篷窗細
雨猿啼獨踈池雁下雙羈懷正牢落誰與倒吟缸

贈明上人

悟得西來意禪關養性靈
藤陰侵座滿竹色覆池青
洗鉢魚吞飯傳燈鹿聽經
自無名利夢不著息心銘

京口夜泊

維舟京口岼惆悵舊吳都
遠寺鐘聲小高城月影孤
江楓人獨宿汀葦雁相呼
無限淒涼思寒潮打敗蘼

景州道傍古碣

遺碣知何代遙看碧蘚迷
夕陽牛礪角秋雨蚓蟠泥
牧

豎羣敲火行人半認題空遺千古恨愁絕峴山西

憶金陵

金陵佳麗地風景想依然城闕金湯固江山晷畫連晚
風樓上笛春水渡頭船惆悵曾遊處而今又幾年

其二

自古興王地繁華賸足誇鬪雞名巷小牧馬舊坊賒稚
子春乘竹園丁曉賣花漢家宮闕麗王氣結彤霞

其三

為憶江東地風光信可憐
侯門深似海官道直如弦
妓女釵簪燕兒童紙放鳶
別來恒在望何日賦歸田

其四

建業僑居地悠悠入夢賒
秦淮橋畔月靈谷寺前花
銀燭張燈市青帘賣酒家
時清人自樂簫鼓度年華

東林小隱為沈處士題

小隱東林地身閒歲月忘
曲池山倒影虛閣水生涼
雨潤琴絲慢風薰藥臼香
羨君清趣好無夢到巖廊

贈范外史

寄迹朝真觀，煙霞世外心。
封書憑鶴寄，吹笛似龍吟。
寶氣千林玉，丹光滿竈金。
有時飛佩響，渾作步虛音。

孤雁

離羣應已久，遠地只孤飛。
月冷呼聲疾，雲閒顧影稀。
蕭蕭葦老，粒粒稻梁微。
幾夜迴塘夢，分明向北歸。

與許漢英秀才夜話

白下樓遲地，睽違又十年。
蹉跎雙鬢改，險阻一身全。
夜

雨溪南業秋風墓下田別來空有夢惆悵未能還

飲馬長城窟

飲馬長城窟寒泉咽不流
髑髏腥卧雨刁斗冷鳴秋
瀚海烽煙斷陰山部落稠
將軍方閱武醉擁紫貂裘

題清隱山房

幽居渾似聘君亭門對青山盡日扃
一縷茶煙吟處颺半窗松雨夢回醒
鴻都官好羞輸直虎觀門深懶議經
一卧空林驚歲晚無人知是少微星

咸陽晚眺

渭水東流落日西
咸陽秋色望中迷
荒煙古渡人稀到
衰柳空城馬自嘶
霸業已消三月火
斷碑猶載數行題
東門牽犬人何在
空見年年碧草齊

襄陽懷古

足馬南歸望故城
半林殘雨夕陽明
雲邊岫接秦山色
樹裏河流漢水聲
墮淚有碑苔色古
攔街無曲酒旗橫
那堪回首成陳迹
笳鼓西風愴客情

春水

湖北湖南燕尾分半篙纔動綠如芸
梅花港小依橋見桃葉歌長隔岼聞
細草斷冰鷗外浦斜陽晴笛鳥邊雲
晚來幾陣廉纖雨灑碎玻璃萬頃紋

鳳西草堂為鄒義官賦

清隱臺西地最奇四時佳趣自相宜
秋風蘿蔓垂茅屋春雨桃花近竹籬
勸客小姬歌白苧遣懷新句寫烏絲
相過況有知音在不用黃金鑄子期

簡溪為吏部吳主事題

溪上幽居厭竹扉
溪邊春水淨苔衣
吟抄甫里新詩草
坐買嚴陵舊釣磯
幾點青山當戶立
一雙白鳥背人飛
也知習靜真成簡
游俠無勞問是非

九月十三夜夢繡衣康用和握手論舊覺而聞
雨因寄

宦遊歲月易蹉跎
青鏡流光兩鬢皤
客夢不知江水遠
鄉心偏傍雨聲多
張衡有詠惟愁在
燭武無能奈老何

為問舊遊驄馬客別來誰與共鳴珂

杜子美草堂

性僻耽詩死不休文光萬丈謫仙儔
浣花溪上頻年興飯顆山前半世愁
風送雨聲江閣夜雲涵星影草堂秋
可憐一片經綸志短褐長鐃到白頭

諸葛武侯祠

抱膝長吟志有餘出師勲業竟何如
龍蛇漫想驅兵陣魚鳥真疑畏簡書
鐵甕有城荒歲月銅臺無主易丘墟

請看當日隆中路猶自春風一草廬

清明書感

兩年作縣越江渚回首鄉關未得歸
華髮又驚佳節換青雲堪歎故交稀
山村細雨梨花發茅屋東風燕子飛
潦倒不須嗟薄宦且將樽酒送斜暉

次沈行父見贈

不逐夔龍到鳳墀詩名籍籍滿天涯
鷄林有價時爭售狗監無人世謾知春
草池塘回謝夢秋蘭堂戶思湘纍

那堪別後同明月千里關山不盡思

南行秋興

扁舟萬里適南荒
行客驚秋覺夜涼
老去形骸空駿骨
憂來世路半羊腸
沙明蒲稗初含雨
月冷蒹葭已著霜
忽憶舊居青鎖地
幾回簪筆綴鵷行

庚寅三月按思州等郡因過清浪叅將吳公款
留以詩酬之

年華冉冉似流波
撫景其如感慨何
草滿天涯春色暮

水連湖口夕陽多鄉書路遠雙魚斷蠻嶺雲深足馬過
賴有元戎相慰意一樽呼取聽樵歌

予至滇南一載始得寄書因附四韻楮尾

天涯薄宦苦相羈回首西風又一期佳久蒼頭迎客慣
路遙黃耳到家遲人情盡似飢鳶競心事惟應倦鳥知
倚徧欄干意難寫夕陽寒角起高陴

九月十日宿下關驛

西風吹冷思綿綿老去詩篇只漫傳半夜郵亭雞唱早

十年岐路馬蹄穿
梁王宮殿秋蕪裏
黔國河山暮雨前
薄宦驅人何日了
欲將心事問蒼天

重至臨安分司

公署睽違又一期
重來仍值禁煙時
欄干清雨花枝重
亭館留寒燕乳遲
無事且謀犀首飲
有懷都寓少陵詩
東風可是無情甚
白雪盈頭不肯吹

登五華寺戒上人樓

垂閒時倚遠公樓
一段風煙豁醉眸
山色遙連尋甸晚

潮聲初湧海門秋
酒旗城郭西風急
禾黍人家宿雨收
莫怪吟餘重回首
五雲東北是神州

秋暮至曲靖

故鄉何處是并州
萬里關山不斷愁
野館夕陽人獨立
邊城秋色水空流
宦情已愧陶弘景
客況何如馬少游
一夜西風吹夢破
歸心遙寄楚江頭

贈萬都閫子和

坐擁貔貅一萬羣
多君好武更能文
書絕似班都護

雅詠還同賈刺軍細柳風清朝奏角團花霜冷夜占雲
太平無事邊塵靜擬策凌煙閣上勲

湖口夜泊

江水匯為澤瀾漫深萬丈山寺晚鐘鳴湖心明月上

晚泊荻港

漁艇已收綸斜陽下煙水寂寂掩篷窗坐聽舟人語

題畫小景二首

山色青於染茅堂背郭成陰陰喬木裏疑有讀書聲

家住清溪口門掩清溪樹溪上多白雲幽人自來去

竹棚口

君住竹棚口妾家桃花津來往不相識青山應笑人

丹陽晚眺

春水綠迢迢空江自落潮橋頭兩竿日煙外酒旗飄

東風

東風吹百草葱蒨滿天涯獨有南山桂依然未着花

駿馬二首

駿馬響金羈蹀躞長安道少年挽雕弓彈落花間鳥
駿馬出長堤繁纓絳革垂相逢休問姓知是羽林兒

漾備早行

流水點曲響亂山重疊橫行行天欲曙立馬看雲生

過浪穹峽

幽花懸石壁流水瀉雲根停車試相問只恐是桃源

宿觀音山驛

溪聲決決流木葉蕭蕭下離人耿不眠寒燈伴長夜

宿鄧州驛

風走落葉聲山犬吠不已披衣夜出戶明月照池水

姚安分司

吟人夜未眠迢迢漏初永起步山中月疎林露猿影

南安分司

陰風射紙窗燭影半明滅四野無人聲寒猿嘯霜月

維揚弔古

草沒離宮舊路賒錦帆曾說到天涯孤城日暮東風惡

落盡庭前綵樹花

寄月溪瑩僧官二首

病來常欲謝朝簪
幾度懷師夢裏尋
遙想跏趺雙樹底
一燈懸影照禪心

白雲芳草閉禪關
金磬無聲夕照閑
應是定中忘坐久
袈裟渾染石苔斑

舟回采石夜泊謫仙樓下值雨弗果登

謫仙樓下弔詩仙
千載風流世共憐
煙雨一江無月色

鯨魚風起浪花圓

次韻楊內翰賓筵留詠

馬首黃塵十丈飛
藍袍今已換緇衣
相過只有揚雄宅
幾共談經坐夕暉

田舍雜詠為梅庄朱處士題


名庄渾似習家園
綠樹陰陰靜掩門
昨夜溪南春水漲
芹絲香處有河豚

十角黃牛二頃田
新秧簇簇徧郊阡
卧龍老去無人問

春雨躬耕足幾年

不逐漁舟覓水源
繞溪花竹自成村
青山遮斷紅塵路
只有詩僧日款門

載酒看山湖上歸
西風吹冷薜蘿衣
水田刈盡雲千頃
無數牛羊草正腓



石倉歷代詩選卷三百六十九

欽定四庫全書

集部

石倉歷代詩選卷三百

七十五
七十六

詳校官編修臣謝振定

侍讀臣孫球覆勘

總校官進士臣朱鈐

校對官編修臣郭晉

謄錄監生臣李傳燮

欽定四庫全書

石倉歷代詩選卷三百七十

明 曹學佺 編

明詩次集四

鄭闕

雨夕同諸公夜飲

萬竹絳飛雨流雲來遠天
高陽久寂寞客至張華筵
達士不惜醉暢飲清風前
陰壑度玄籟寒聲應鳴絃
不盡

眼前歡別後空悽然狂歌馬公子達曙未能眠

題南澤湖別業艸亭

家居無四隣遶屋清湖水潭花共谷鳥相對衡茅底樵
唱蘧邊聞漁歌鏡中起麥圃秋既成瓜田且猶理時與
休芸人同歸竹林裡門閒吏不過黍熟酒還旨自是義
皇民吾當慎終始

晚坐西園翫月懷孫景大

庭前嘉樹林夕鳥時驚聒遙聞精舍鐘杳靄空中發門

閒草木長雨過莓苔滑空園散玉露碧海生華月獨此
對清輝憐君向天末

得石寶山喜而賦

我懷出塵想久爲形役侵未能脫畧去汨汨勞此心昨
日買溪園松栢森成林從茲謝流俗結屋青雲岑九日
休沐來黃花正垂金採掇興無限臨風聊自斟時有還
山雲悠悠浮我襟昔聞羽僊人駕鹿茲登臨鸞輪去已
久天路空難尋徒餘舊遊處石室莓苔深雖無丹砂訣

庶可投吾簪

題幻居上人白蓮

涼生玉井沈露滴金池
冷虛蟾與素魄淨立白雲迴
微香散客纓止水通禪境
忽憶東林人臨流發深省

題楓林送別圖

白日行青天流雲散霞浦
秋聲何處來散入楓林樹
客裏送行舟沙頭飲樽俎
孤帆去漸遙暝入長江雨
日暮更相思空山但凝佇

賦得武夷山送陳孟敷之三衢

亭亭溪上峯彩翠亂晴日奇崖與恠壑杳靄看無極寒
渠石瀨漱野逕煙蘿密猿響夕陰沈松鳴夜風疾傳云
羽仙客昔此鍊金液鶴駕雖已遙空壇想行跡蒼然舊
臺觀冷落依泉石丹光晴更發紫氣朝還集九曲別時
多憑君訪寥閭

送王中美之京

魯酒三百杯送行莫匆匆酣歌擊劍起逸氣如長虹昔

作魯諸生結交盡豪雄黃金不足惜對客囊屢空早讀
五車書作賦文尤工今年見天子拜舞明光宮盛世夙
重才恩波賜無窮長鯨跋錦浪勺水焉能容朧月河上
別雪花舞迴風行板越城柳醉度吳門鐘雖云隔雲泥
耿耿心猶全顧我草澤居生計如飛蓬終當拂羽翰萬
里來相從誰能事章句白首卧雲松

山行有感

北邙多舊墓苔石侵枯骨借問葬者誰云是李與霍英

名邁千古此際何汨沒一日掩泉扃萬事從此歇人生
天地間百歲猶倉卒誰能脫于斯多謀信為拙

夏夜南湖庄上寄趙迪

積雨帶遠樹楚天來暮雲疎鐘隔野寺杳靄空中聞相
思感我懷草根蟲又喧何由了終夕默坐空消魂

咏窗竹寄姬墨生

莫種楊柳枝秋來已衰老野花雖媚人能得幾時好竹
葉真可愛盤根滿庭內衆芳搖落時青青色猶在晴看

翠欲流靜對虛堂幽初傳嶰谷種使得瀟湘秋俗人愛
桃李却笑誰知己虛心猶見猜守節空如此桃李榮春風
此君羞與同從來共霜霰獨有南山松

暇日南湖庄上

門逕絕車塵惟聞沙鳥語誰識忘機人山間坐朝暮冥
探玄妙理始得靜中趣南風吹雨來颯爽溪頭樹白鷗
知我閒相看飛去

題秋江送別圖

美酒雙玉壺沙頭送行客處處蘆花風寒江秋水白落
日下長空返景明石壁去去入煙霞相思楚天隔

塞下曲

單于入我疆涉河與之戰殺氣塞馬蹄胡霜割人面大
風起沙塵兩軍不相見思報明主恩豈知命如線天驕
今已平歸奏甘泉殿

夜宿超山蘭若贈一中上人

衲衣住在東林久蹤跡人間往來少碧草閒依石砌深

蒼苔日染松闌厚薄暮時逢上客過吟詩對酒復如何
山中無復可乘興蘿月紛紛窗外多

賦得萬松嶺送陳孟誠之京

吳門一道通幽谷昔種青松作喬木逕裏從教野鳥啼
林間判與歸雲宿寂寂那知幾度春蒼皮剝落勝龍鱗
飛花暗度樵人隧落葉常隨過客輪今日旗亭送君去
去時雪滿松間路牢落無懷故國秋蒼茫正值青雲曙
嶺頭雪霰已紛紛最喜青青自拂雲臨歧何必攀楊柳

折取松枝可贈君

賦得滄浪磯送程秀才之春官

無諸古城知幾代舊跡荒涼盡更改祇今落日湖水濱
獨有滄浪釣磯在猿鳥紛紛竟若何昔人不見今人過
飛花故向灘頭落積蘚空餘石上多今日攜壺對清泚
秣陵此去應千里渭北空傳古有人時明應卜誰過子
磯下悠悠足鯉魚願君此去莫踟躇明年試看桃花水
會向龍門達素書

送丘良

東園桃李寒未開
蒼苔委落惟江梅
臨歧無復可乘興
為君直倒青霞杯
扁舟遙指金陵路
轉棹迴橈不知處
徒將別思作春雲
日夜微茫送君去
白玉神州應早過
到來正喜值春和
香浮寶樹花能語
日照瓊樓鳥解歌
建業橫開五雲裏
鍾山石城相對起
秀色朝含紫氣高
連天亘日迴千里
今日官亭手暫分
無勞躑躅嘆離羣
羨君拂袖青天去
予亦還山謝白雲

狂客歌贈陳叔晦

狂客何處人吳航最佳士朝傾美酒三百杯夜讀遺編
數千字有時相見粵城東入門慷慨氣如虹黃金不惜
贈知己白眼已素輕王公醉來下筆如濤瀉舞鳳騰虬
恣揮洒論俠時時叱武陽摘文往往凌司馬我亦疎狂
今更癡吟詩作賦欲奚為且須沽酒與君酌世上悠悠
那得知

山水障歌

天下丹青誰最奇昔有鄭虔與祁岳觀茲毫素妙有神
不是良工豈能作杳靄川原遠莫分孤絃暝夏春江雲
人間翰墨不易得此物當時誰贈君遙看浦口千重樹
颯還常疑致風雨寓目蒼茫似武陵致身恍惚如天姥
獨牧原頭是阿誰終朝默默竟奚為早將扣角商歌奏
須載齊侯車後歸

題方用方林塘幽趣圖

何處發清興林塘橫絕標羨君林塘有幽趣為君醉作

林塘謠我為林塘吟爾得林塘樂長風捲雨白日来池
瀑淙淙向人落三峽長江動地迴搖波轉沙送林隈當
窗方前翠可愛百尺芙蓉天外開寒梅水竹連芳野瀾
鵝鳬鷺滿沙野豐草能為冬夏青飛雲不管晨昏度坐
來谷籟飄林樾清景令人爽毛骨為君去此謝浮名還
山却掃林塘月

代黃子齊賦送潘彥時

遠別與近別冷然同此心君為金馬賦我作還山吟還

山却弄清潭月雅興平陵為君發飛觴展席送浮雲萬
里關山坐超忽青草堤邊春事賒江城落日更鳴笳鄉
心歷亂悲歸雁別思蒼茫起暮鴉看君折桂人爭羨慷
慨何曾戀鄉里高步青雲不可攀遙飛玉珮誰堪比蘿
逕蕭蕭祇自歸吟詩作賦復奚為年過半百已如此心
事悠悠君始知

寄思復王隱君

百甕山家酒恒供野客過興來還倒屣醉後即長歌林

鶴窺人下山雲入戶多別離成累月五柳復如何

送王生奉親之松江

玉壺沽美酒江上送君行竹塢今朝別松門幾日程
三神瞻日近五兩逐風輕戲綵餘清暇緘書慰別情

送陳文叔歲貢之京

朔雪曉猶急山風夜更嚴扁舟留郭泰祖席醉江淹
詩為故人作愁因才子添明朝回首處林月共纖纖

題衡山寺壁

暫辭城郭去杳杳入藤蘿海氣連空迴嵐光拂樹多鳥
啼山客醉葉動野猿過向夕聞清磬其如客思何

送林文節

長歌祖席對斜暉座上人人愛陸機春色漸生江樹變
河水初泮客帆歸青雲有路看先達白社何人恨獨違
今日與君須盡醉明朝相憶謾沾衣

問周玄病

知君林卧復如何門對寒塘水自波宋玉也知愁不免

長卿自覺病偏多，高林葉下驚秋早。
故宅梁空，恐鵬過明日相期問，丹訣休令歲月久蹉跎。

題南湖別業壁

家住南湖湖水曲，依稀好似浣溪頭。
黃蘆葉暝常知雨，苦竹叢深畏及秋。
日下漁樵煙際返，夜深河漢鏡中浮。
莫嫌僻處多蕭瑟，野性時時好狎鷗。

寄王孟揚

憐君失路嘆多歧，歸去龍山掩舊扉。
鑿石旋開行樂圖。

采荷新製釣魚衣
衡門草發知春換
壁逕鶯啼見客稀
林下想應多寂寞
秋風蕭颯入庭闈

寄趙景哲

卧病經時獨掩扉
閒身漸覺世相違
驚魂恐與秋雲斷
衰髮愁爲暮葉稀
滿筵蒼苔誰曳屐
一庭芳艸自褰帏
登臨是處多清興
肯念文園淚濕衣

挽任本達

陸沈誰道聖明朝
老向窮途怨未消
荒塚已無行客弔

詩魂徒有故人招
臨風倚劍腸堪斷
月落空梁夢漸遙
從此不須頻北望
嶺猿江樹日瀟瀟

山水圖

雲來雙岫陰鳥下千林
晚恍惚月明時扁舟輞川返

三生石上圖

三生意已傳一曲歌還歇
何物識同心西山舊蘿月

山居

青山行處好綠水望中深
欲問忘機事浮雲與客心

鷓鴣

不與鴻雁翔難為鳳凰侶只逐雙鴛鴦沙頭宿寒雨

題翠竹黃鶯圖

微風響翠雲宿漏驚黃鳥夢裏一聲聞月殘碧紗曉

竹枝詞戲贈丘茂本

欲捲珠簾却下鈎愁來莫倚最高樓堤邊幾許垂楊樹
不為儂郎繫去舟

送馬自牧南游清漳

故國春還草木深
百壺長擬共登臨
如何此際翻成別
碧海春雲日夜心

送周又玄

伯勞飛燕苦西東
載酒看雲幾日同
別後相思君識否
斷腸多在雨聲中

竹枝詞三首

幾度秋風嘆獨居
羞將蛺蝶綉羅襦
南來萬點千行雁
不寄儂郎一字書

强來梳洗倦還休說着西湖只淚流誰道荷花不如妾
開時猶得近郎舟

十二灘頭水拍天千山陰雨萬山煙自從一值風波惡
不敢回頭望客船

附鄭閣

字公望關之弟
所著有抑齋集

懷林鴻

寒月照古樹朔風吹城樓如何咫尺居致我千里愁俯
景暫自遣浩歌無與酬思君若逝水旦暮長悠悠

題山水圖

迢迢江上雲杳杳雲邊樹雲光與樹色染映如朝霧泉
響巖壑秋帆歸海天暮恍惚月明時輕舟浣溪渡

題高四友竹軒

東林有修竹茂密成幽林聲寒嶰谷雨色暗湘江陰勁
節金石操虛中天地心故茲耿介士托交良獨深願言
慎終始永與同冲襟

題賓月樓贈陳伯煒

樓居有仙客恥交時俗流仰尋霄漢上遠與明月儔月
色自圓素冰懷冥相投於焉悟消息永結忘情遊

寒食寫懷

岑居對寒食遣懷出郊野纍纍陌上墳宿草添新土却
望故山松寥寥邈何許念彼松下人心悲淚如雨

登小孤山

羣峰若龍馳一峰出雲表壯觀天地間孤高海門小停
舟恣登臨騰身過飛鳥却望大孤山濛濛在冥杳

懷密齋王偁

豐城有寶劍棄置歸泥沙神物縱淹鬱鋒芒詎生瑕精
氣射牛斗誰能辨莫邪雷張去已遠終恐沈光華

感遇

瑤臺有孤鶴脩潔仙中禽本與鳳鸞偶翻為鷄鶩尋穀
食頗自恥松棲亦何心徘徊失所止惆悵誰能禁引領
望徒侶茫茫玄圃深徒鳴九臯遠孰賞凌空音俯仰再
三嘆淒然沾素襟

泣玉願一顧投珠難至前中山未見與直道皆徒然君
子恥自獻達人甘棄捐衡門有遺叟千載高其賢

題環青樓

轅丘之子神仙客暫向人間寄踪跡紫綬金章意不趨
白雲芳樹情偏惜舊構危樓野水邊青松翠竹滿樓前
寒光靜遶湘簾碧暝色縈迴翠黛連望極滄洲幾千里
疊嶂微茫鳥邊起倚檻朝看出岫雲開門日對懸崖水
予亦牽纓未得過此時風物更如何與君欲畢登臨興

獨有陶潛歸去歌

題東山草堂

山中幽人愛幽獨遠構茆廬傍崖石雲邊靜掩半窗閒
簾外長凝數峯碧佳致應知勝輞川石橋花竹漫相連
閒心久已狎魚鳥落日更聽鳴風泉別後君還幾回首
茂陵仙客深知久興來筆下自縱橫却掃雲山繫君肘
予亦常留樓道懷見此令人心孔開何當拂袖同歸去
與汝日醉眠蒼苔

清冷臺

高臺臨絕頂我輩此時過落景空山滿秋聲晚樹多宿
雲依澗集野鳥向人歌薄暮歸城市塵氛奈若何

登鼓山寺

冠蓋臨清境攀躋契夙心懸崖宜遠望邃谷恣幽尋石
徑蒼苔合珠林古木陰斷煙行處濕落葉坐來深秋色
連雲暝鐘聲與日沈不知滄海外誰伴羽仙吟

九日登高懷公啓公立二先兄

淒涼心緒正堪憐此日登臨倍愴然無復謾題鸚鵡賦
有懷空咏鵲鴿篇煙林葉落深秋後蘿逕猿聲向夕邊
浮世幾經人事變惟餘山色自年年

重九前一日期同社登烏石山

世事悠悠等逝波休教清景任蹉跎百年幾遇看山興
九日還同載酒過挂月臺前雲可席宿猿洞口鳥能歌
羣公自有飄然興謾說參軍逸氣多

釣龍臺懷古

無諸宮殿粵江隈千古登臨愴不回
逐鹿已成今日夢釣龍空有舊時臺
潭雲片片將秋落山色蒼蒼拂曙開
世事升沈何足問且乘清興共銜盃

挽鳴秋山人

白湖小隱入雲間憶絕心知淚自潛
花逕鳥歸春正好衡門人去畫常闌
新詩空有澄江句問字惟因載酒還
舊業荒涼偏可恨蕭蕭煙雨閉青山

石倉歷代詩選卷三百七十

欽定四庫全書

石倉歷代詩選卷三百七十一

明 曹學佺 編

明詩次集五

陳輝

秋夜讀書寄堂士淵文契

涼風動秋葉驚鵲翻庭樹散帙讀遺書
寒燈照疎雨冥探玄妙理應得發歸趣
寸心常湛如虛明自呈露依依

林木昏隱隱星河曙寄謝希顏徒悄勤保貞素

遊絳月軒

靈境閔空寂雲門入中峰玩奇事幽賞因得相過從方
以靜中趣共忘塵外蹤攀登散情性語笑諧心胸蕭條
林木昏羣物生秋容暝色半潭雨寒聲雙磎松行吟送
落葉歸思聞疎鐘蓮社有佳約束林期再逢

和林範伯琴與詩韻

涼露滴草木微風散衣冠閒將石上琴遙向山中彈蒼

蒼水雲起瑟瑟楓葉乾初月照秋夕長松連夜寒寄言
賞音者知遇良獨難

秋日同諸公登清冷臺

靈峰起千仞似高臺鬱岑寂煙蘿窮攀登林谷恣探歷憑
高一長嘯頓覺萬緣息長江天際來茫茫去無極黃花
點醉衣落葉滿行跡萬籟送天聲連山起秋色更聽白
猿啼東林澹將夕

山水

谷口日耽幽閒雲閉巖扃煙林積空翠坐見羣山青適
意調桐絲洗心期道經以茲對名跡無乃俱忘形

桃竹百禽圖

原野藹初霽百卉何芳榮雖離衆禽鳥得意欣春晴遷
木恣棲息驚枝復飛鳴於焉林谷態自適天地情刷羽
耀朝彩流音雜風笙竹垂琅玕實桃艷瑤池英吾當披
此圖三復羨羣生

賦得二題送嚴克謙之京

西上有仙關，岩崑望超忽。二水隔東南，連山走吳越。晨
過聽曙鐘，夕宿投寒月。去去何所之，趨朝拜金闕。

右分水晨關

朝從鵝湖遊，暮投鵝湖宿。古寺入空山，疎鐘出深竹。孤
舟蕩復行，清響斷還續。百八猶未終，前溪水如玉。

右鵝湖晚鐘

為井軒題孤雁詩

露下江色秋，沙明水容夕。孤飛爾何來，獨立隨所適。驚

絃恨轉深繫字情何極扁舟月下聞愁絕三湘客

山水題贈自怡徵士

野服每耽幽東山恣吟眺煙潭落虛鏡風磴生絃調趣
愜蒼樹雲心閒碧溪釣猶疑向蘇門落日共清嘯

松泉清響贈善琴無幻上人

上人了真如孤琴寄遐想開軒對松泉宴坐猶偃仰有
時閒拂拭落葉共清響寒聲入霜指秋嘯動林莽余嘗
愛鳴彈愧乏知音賞一曲殊未終東林月初上

山水圖

危峰東南來氣勢何磅礴下有幽人居投情在丘壑山
雲簷下宿瀑布空中落境靜神自舒地偏心亦樂野橋
帶行客孤琴引雙鶴日夕候相過煙霞有深約

旅次武林期叔剛脩撰不至

寓宇閑幽寂羈懷轉淒其况茲梅雨候值此麥風時門
登溪上樓悵望吳天涯長風捲潮來倏忽銀山移潮水
尚有信我行豈無期緬懷同心人惻然起遐思

白塘歸隱為莆陽陳維禎賦

陳生小隱讀書處白塘遠隔青山墅地接滄浪九曲煙
門迎壺翠雙峯雨寂寂幽欄鳥雀閒草堂晝掩青松關
衝朝猿鶴來何事落日漁樵相與還清溪月出絃高調
盤石風來可垂釣山鳥聲中彭澤吟海鷗影裏蘇門嘯
年來為客意都迷眼前幾負滄洲期片帆明日武陵去
桃花笑殺歸來遲

廬山秋瀑歌寄王四秀才

君不見五老芙蓉峰絕頂隣霄翠萬重又不見香爐紫
煙石高標照日氣千尺東南勝槩稱絕奇廬山秀色含
碧滋半天飛瀑洒雲漢峽龍作雨風雷悲仰觀氣勢何
盤礴一道長流噴穹壑素崖盡裂丹壁開白虹乍起銀
河落知君素有江海心對之不覺清煩襟響入百潭秋
水去聽如三峽流泉音子今西行向何處秋瀑長吟聊
寄汝相思得似石上聲倒海隨君流不住

浯溪夕秀

浯溪山水最奇絕幽居隱隱依林樾片雨晴浮北砌花
雙松暝挂西峰月董仙茆屋居其間深林盡日閉松關
有時相訪忽不見採藥雲中猶未還

青門歌寄居易子

青門橋南二月時青門城北梨花飛忽聞啼鳥道鄉信
應念行人何日歸東風一夜青門道客舍蕭條但春草
遠樹蒼茫感客情遙山寥落傷懷抱酒慢高樓日未斜
參差橋上幾人家釣鱸潮落見歸雁螺女春深起暮鴉

此中回望南天路撫劍悲歌水東去欲問紅樓醉別時
正是青門憶君處

九日寄琴樂家兄

佳節歲希遇良會人罕同況逢九日一延賞兄弟不得
相追從涼風蕭蕭送飛雨獨閉高齋向荆樹斷雁聲悲
落木秋寒鴉影度殘陽暮去年此日登高臺隣霄眺望
形神開酒酣倒幘醉起舞長江浩蕩天風來念此使人
戀攜手骨肉傷心重回首拂石空譌白雪吟開尊慙對

黃花酒始知行樂多
睽違眼中不見令心悲
秋來更欲一登眺
贏得潺湲淚滿衣

題石田山水障

昔遊東山訪幽獨
謝公西亭傍深曲
簷楹日落雲氣涼
百丈空潭澹寒綠
茆列坐若羣仙
蒲衾草榻心悠然
長林落葉散巾袖
絕澗飛泉清素絃
吟嘯於茲足幽賞
野水江雲共來往
雁渚風回釣艇還
鷗沙月上寒潮響
石田畫史何清真
毫素機妙如有神
丹青放宕竟誰似

豈必輞川賢達人

題山水

海國霽煙景長林氣鴻濛遙峯積翠起千丈九天秀出
金芙蓉石泉淙淙洒風雨銀河半落橫蒼穹恍疑身坐
天姥下萬壑五月生寒風對此發長嘯逸氣凌丹虹閒
移輕櫂入空碧武陵盡處綠源窮鷗沙潮落見溪釣鶴
林月上聞煙鐘以茲便欲賦歸去孤琴未許來相從始
知幸接明盛世誰能斂跡對塵蹤

三峽流泉題贈九齡文學

蜀江之水何雄哉奔騰疑從天上來飛流直下幾千丈
大壑五月鳴風雷飄然一望失西北巫峽清秋起寒色
聲撼長川白日寒氣蒸大漠青冥黑我時曾向錦城遊
觀濤獨上瞿塘舟劃然長嘯震林谷短簫嗚咽回中流
與君對此嘉興發便欲因之泛溟渤好挾飛仙汗漫遊
孤篷醉倚西江月

舟次武陵書別龔章二友

馳馬下金陵買棹上湖鄂揚帆十日過臨臯春風三月
登黃鶴黃鶴樓前江水春春光淡蕩堪娛人同舟有客
來相訪執手宛若平生親知君不學悠悠者寧甘遜跡
衡門下落筆詞章接惠連壯游湖海蹤司馬以茲遇我
情最多長吟擊筑氣偏豪洞庭縱酒看月色夢澤推篷
望雪濤人生所貴在知己結交在結青雲士那能回首
嘆萍蓬况乃立身志弧矢同舟直到武陵城桃花夾岸
春霞明臨流慷慨一為別雲樹茫茫不盡情

夜泊釣龍臺

煙村帶晚景落日駐征橈
夜色海中月秋聲江上潮
魚燈連水岸霜月映楓橋
明發頻回首鄉山別望遙

落芳峰性上人山房

聽梵來山寺逢僧宿石樓
風泉行處滿花竹坐來幽別
磴鐘聲晚空潭樹影秋東
林微月白相送虎溪頭

寒夜留宿故人隱處

高齋期夜宿蘿徑獨攜琴
尊酒成幽酌孤燈照短吟
竹

泉分小礪霜葉響空林且盡山中醉誰論物外心

自牧小亭

草閣西風下幽人獨考槃礪聲和雨聽山色捲簾看好
鳥吟花塢閒雲覆藥欄孤琴如有約蘿徑候鳴彈

中天樓閣為思實賦

樓閣東南秀衣冠翰墨流雲來蓬島暝潮落鏡天秋掃
石絃霜軫開窗捲露鉤相逢霄漢上何必訪丹丘

寄公魯文兄

薄晚有佳興憶君江上山碧雲紅樹遠黃葉白鷗閒巖
瀑當空落漁舟釣月還清暉多雅趣石磴擬躋攀

綠筠軒

築室依何許幽樓向竹林一塵渾不到萬玉自蕭森挂
月澄明鏡吟風響素琴知君有高節惟與爾同心

古靈舊隱

昔賢讀書處今予隱茲山閉戶心恒寂看雲意自閒衣
冠塵世外尊俎石林間向晚樵歌起相隨落日還

泛舟螺江憶舊遊寄郡齋諸文學

曾向江頭倚玉簫與君同駐木蘭橈
白波千里秋聞雁涼雨孤舟夜聽潮
幾處人家連竹塢數行漁笛過楓橋
今來却憶同遊侶煙景蒼蒼轉寂寥

寄仁美同好

秋深寥落舊交疎况復思君萬里餘
粵國山河違故邑吳門煙月怨離居
數聲落木啼猿後幾處疎砧過雁初
知爾西游多勝槩別來詩興近何如

送又玄周先生應辟

把酒河橋獨送行，春風此別若為情。
布衣却起東山卧，京國爭傳北海名。
極浦寒潮迎去棹，清川斜日滿重城。
舊遊白社成寥落，莫厭題詩慰後生。

重九前七日同郡齋諸文學登隣霄臺

西風吹眺最高臺，雲物蒼蒼入望來。
秋興不隨黃葉盡，晚樽偏對菊花開。
巖前落木蟬聲急，天際澄江雁影回。
歸去若迎重九日，還從此地送陶杯。

小景題贈密齋先生

長尋幽絕避囂喧
野服吟秋到鹿門
幾處青山連斷岸
數家黃葉帶孤村
風潭石瀨清琴響
煙徑苔花翳屐痕
却羨漁樵林下趣
白雲相對欲忘言

寒夜有懷宗武

坐向東樓月上時
懷君不寐益淒其
獨拚斗酒山中醉
深負孤琴雨後期
夜久霜風還動竹
天寒雪雀自爭枝
也知別後能相憶
故遣新詩慰所思

題上清方壺山水

曾過蓬島訪茅君
路入中峰紫翠分
琪樹寒生雙磎石
石門秋卧半潭雲
捲簾山色當窗見
拂軫溪聲入坐聞
何日暫辭塵服累
青松白鶴日為羣

東林別意送善琴無幻上人

冶城秋盡此相逢
遠別驚心思萬重
細雨扁舟聞梵語
空山落葉寄行蹤
孤琴夜對松間月
一錫朝經海上峰
莫向西江閒洗鉢
恐教風雨起魚龍

賦得螺渚征帆送鄧孟芳徵士

女螺江上唱離歌
百尺雲帆挂碧波
孤嶼斷煙天際沒
亂峰殘日鳥邊過
榜人洲渚漁謳起
墨客琴樽逸興多
桂棹行當霄漢近
乘流應擬到天河

江郎山

聞說江郎有弟兄
鐘為靈石孕元精
氣分喬嶽峰如削
壁立中天地欲傾
風動松枝甘露降
雲開石井碧蓮生
駐車便欲褰衣上
飛步峰頭望帝京

秋夜宿郡齋書呈諸契厚

淡雲流月下空階此夕相隨宿郡齋
疎竹高梧連夜榻寒泉落木對秋崖
孤琴不用彈新曲尊酒還同寫舊懷
良會應須頻潦到誰言萍梗各天涯

翰林侍講林環崇璧遠示手教書以復之

玉堂遠念舊交疎遙寄南天一寫書
自是多情憐久別應題飛翰慰閒居
雨中秋草迷山館天上春雲覆石渠
不有故人頻顧問茂陵愁絕病相如

餞別戶部郎中林公致雍翰林典籍黃公約仲
蕭蕭風雨送殘秋況復淒涼感別愁粉署仙郎吟判袂
玉堂詩史解行舟煙村夜火明沙岸江郭晨鐘起郡樓
不盡離情付流水隨君直到鳳池頭

遇鄉人

臘月都城雪作花相逢況復在天涯雲山自是增離恨
風物那堪近歲華遠渚斷煙迷曉雁長林落日集昏鴉
坐來笑問鄉園事喜道平安似到家

登岳陽樓

危樓高架岳陽城
艤櫂閒登豁遠情
春雨波濤來几席
夜寒星斗掛簷楹
清遊墨客琴樽美
飛步仙人劍珮輕
范相雄文誇絕代
氣爭光嶽尚縱橫

荏平馬上口號簡邵憲使黨僉憲

荏平云是古名封
地控高唐勢獨雄
百雉城荒秋雨後
幾家門掩夕陽中
馬周論議情何切
方朔詼諧賦獨工
共是霜臺驄馬客
偶因懷古挹清風

寒夜聽雪簡叅政鄭公

飄飄飛雪響簷楹
卧聽書堂欲二更
映月未分窗外影
因風先送竹邊聲
乍凝霜葉依林下
恍訝寒松繞磴鳴
起坐披襟渾不寐
冰壺相對有餘清

永樂甲辰之秋岳陽方豸史倭按轡赤水偶得
一聯云雲生石洞重陰合雨過峰巒積翠深
索余足之因而賦此

曙色濛濛結遠林
半空鳥道掛危岑
雲生石洞重陰合

雨過峰巒積翠深
攬轡觀風詢異俗
看山撫景動新吟
揮鞭笑指來時路
一道清風洒素襟

遣懷書寄諸愚儀僚儼

懶看鏡裏髮如絲
病起庭前覺事非
滿地綠陰芳草遍
一簾紅雨落花飛
閒來却笑材無補
別久仍嫌信到稀
政爾望鄉心切處
杜鵑喚道不如歸

陪嚴都運重游平遠臺同林文則和嚴韻

肩輿同上石林間
又得追陪到竹關
碧樹清泉巖畔路

白雲黃葉寺前山興來吟詠俄成什老得辭歸半是閒
雅愛相忘頻潦倒不妨重藉石苔斑

發南與橋

江水白於雪溪沙皓如月扁舟浦口來落日橋南發

賦得曠如樓送人之京

高樓鄰青雲虛爽復幽絕涼風下書帷似與離人別

雪夜訪戴

一夜風雪寒扁舟獨乘興未見同心人前溪興應盡

雲寺晨鐘

古寺白雲中疎鐘逗林樾
凌晨數杵來敲落山上月

雪毬花

一枝晴雪帶輕寒正是梁園春未闌
恍怱玉環初夢覺香魂猶向月中看

湘潭雨色

凝煙積翠淡如流萬里蒼茫一望秋
坐對湘潭歸棹晚亂山殘雨送猿愁

墨梅

每愛橫枝醉裏看
滿林風雪浩漫漫
數聲殘笛知何處
吹落空江片月寒

柳

空塘流水浸長條
細雨疎煙拂灞橋
羌笛數聲人不見
春風斜繫木蘭橈

牧牛圖

日暮桃林風雨寒
數聲長嘯下空山
草深行逕無歸路

却望清溪沙上還

偶題

散帙看書對碧山
浮雲流水與心閒
坐來不覺東林夕
月上前溪釣艇還

黃葵花

芳姿曾映羽人冠
仙掌擎來玉露寒
金粉只今成寂寞
唯餘向日寸心丹

詠白鷗

江上羣鷗亦有情
浮沈蕩漾似輕萍
曉來推却篷窗視
驚落前溪雪滿汀

宿福泉寺書與禧上人

蜀僧出世在空門
心跡超然離垢氛
欲問安禪最幽處
一潭秋月半山雲

石倉歷代詩選卷三百七十一

欽定四庫全書

石倉歷代詩選卷三百七十二

明 曹學佺 編

明詩次集六

吳實

環翠樓

勝地留佳賞樓臺亦壯哉
羣峰連海岱真境接蓬萊
捲幔清輝入凭欄爽氣來
虛明澄霽景瀟灑軼浮埃
賦為

登臨作懷因眺望開丹岩明向席空翠落銜杯井幹多
陳迹齊雲半綠苔多君清致在何日共徘徊

養拙齋

大朴本無物淳風軼唐虞居巢與處穴此外將焉圖世
道日淪降人心良亦殊非徒徇雕采巧偽相縈紆夫子
抱真性乃在玄牝初持心遠矯亢應物隨空虛直道行
若拙正言謀恒疎儀秦笑周孔此道彼為迂怡然養吾
真天命其何如

賦得富春山送人歸閩

君不見富春山富春山色行人看層巒疊嶂帶江渚垂
蘿鳥道青漫漫釣臺百尺凌空險石磴縈紆紫苔掩芳
草洲前翠欲流夕陽渡口晴如染羊裘釣叟今何在千
古行人增感慨不見高風動客星空餘瀨水流東海今
日山前歌送君明朝山下便離羣片帆直指桐江過薄
暮猿聲那忍聞

賦得瓜步寒潮送董教授之揚州

君不見秦淮瓜步通揚子潮去潮來幾今古薄暮西風
海氣寒潮音半入淮邊樹芳草磯頭望轉平夕陽渡口
帶江城幾回賈客驚殘夢多少離人恨別情廣文官舍
瓜洲渡山水依依最深處一鐸遙從海上聞片帆直指
潮頭去潮頭東望正迢迢此別心知兩地遙他時無恨
相思意落盡寒江半夜潮

編脩陳果之話別

火雲六月騰赤霄人間大地皆炎歊連峰飛鳥不容越

君行別我如旋飈知君久作家林別堂上雙親鬢成雪
九重詔許暫承懽千里馳驅不知熱我家桑梓舊連陰
夙昔交情最獨深十載同吟泮池水有時共醉東溪林
青霄高步君先着愧我年來尚蕭索離別長懷夜月吟故
情不道秋雲薄君自長才意氣豪桂林先得一枝高玉
堂天上魁黃甲金馬門中賜錦袍伊予蹇劣知何用也
學雲霄逐鷓鴣鳳積水長天恨遠心青山故國懸空夢玉
堂相見即成歡却念人生會合難更無兒女分離態但

作家林醉裏看

送僧官歸閩

萬古西來教名僧不世傳一官初佩印四果獨宗禪
衲掛峰前雨盃浮海上煙化城歸去好此會是何年

帶湖別墅

何地最清幽飛軒瞰碧流傾盃魚鳥醉捲幔水雲浮
夜月凌鮫室涼風入雀舟興來濯纓袂天地等蜉蝣

竹林書舍

別構宜清賞，脩脩竹滿林。
秋風疑鳳舞，春雨訝龍吟。
翠色全侵席，涼聲半在琴。
懸知君子操，共結歲寒心。

虎溪三笑

遠公三笑地，陶陸是同流。
明月清溪晚，涼風碧樹秋。
高懷軼今古，餘韻出林丘。
自愧牽纓冕，寧同蓮社遊。

龍溪書室

聞說藏書屋，脩然趣不窮。
溪光搖几席，樹色隱房櫺。
洗硯春流墨，吹藜夜火紅。
庭前有芳草，生意得無同。

松軒

直幹凌霜古清輝似草堂倚欄蒼雪冷捲幔翠雲涼向
日秋傳葢和風晚奏簧期君貞節操持此到巖廊

贈考滿掾

簡牘賢勞日曾聞翰辦聲九年今奏最三語早知名日
照金門近風傳禁漏清聖朝多雨露行矣被恩榮

贈百長還營

飛將百夫前龍韜久在邊雕弓胡月滿寶劍漢星懸朔

雪雙旌度西風
足馬旋承平
無用武醉向酒家眠

宿太湖山寺

一騎白雲深
投鞭入遠林
斷霞將夕照
歸鳥下幽岑
說法窺禪性
焚香靜客心
空門聊一寄
明發又駸駸

四月初一到和州府家城驛

昨日尚餘春
茲晨夏火新
麥風吟短帽
梅雨濕輕塵
芳草迷洲嶼
垂楊暗渡津
途中驚歲月
王事未迴輪

送道官歸

久辭塵跡幾經年樓閣中天藹瑞煙玉陛到來朝聖主
銅章歸去領羣仙素鸞聲遠雲連佩白鶴秋橫月在船
想到玄關多勝事春風瑤草滿芝田

送典幕閩中之任

宦遊何處醉離觴疋馬南行去路長越國潮聲空外暝
秦淮樹色雁邊涼行看綠水芙蓉美坐識丹山荔子香
自古閩中無勝事好憑歌詠贊琴堂

分得九仙觀送林信

丹丘琳館倚崔嵬靈境清都世外開三島霞光凌日月
九霄雲影接樓臺道人玉骨壺中蛻仙客瑤笙鶴上來
君去登臨多勝槩秋風偏醉葛洪盃

雨中懷陳馬二翰林

二月山城暖正融桃花開盡杏花紅朋游零落春風後
客況淒涼暮雨中閩海幾年誰寄雁淮山千里獨乘驄
玉堂蓬閣如天上此日懷人思不窮

歌風臺

泗上高臺舊漢封
昔人曾上此歌風
咸陽鹿去雄圖盡
芒碭龍歸帝業空
斷碣古苔寒雨積
危基低樹夕陽紅
客遊到此堪乘興
醉把金尊送落鴻

蕪城

蕪城自古盛繁華
玉輦巡遊煬帝家
舊業消沈餘郡郭
青山迢遞長桑麻
古隄尚有亡隋柳
後苑終無廢汴花
行客登臨多縱醉
百年興廢謾空嗟

寄池景大校官

旅食京華又一年
懷君何處獨淒然
故人零落知誰在
獨客睽離祇自憐
殘葉晚風驚遠聽
古梅寒月對愁眠
舊時鶴嶺閒吟客
長憶風流剡曲船

賦得龍江晚棹送陳廷嘉

龍江南下正茫茫
晚棹煙波萬里長
一葉漸看飛極浦
片帆遙見逐斜陽
鳬鷗起處潮頭入
蘭芷香時水氣涼
却羨故人從此別
若為歸興滿滄浪

宿英武城遇雨有懷京南知己

解鞍日暮宿山城無那西風送雨聲漏遠不聞宵柝警
館荒惟對夜燈明衾依古簀吟邊冷葉響虛窗夢不成
遙想江南知己別相思多少故人情

元夕觀燈應制

元夕春回不夜天鰲峰高聳御筵前瓊花滿綴蓬壺樹
玉蕊平開太華蓮萬井笙歌來錦綉五雲樓閣儼神仙
小臣何幸蒙恩賜恭祝皇圖億萬年

送人還鄉

五陵年少似君稀
何事還家賦式微
野水綠蕪催解棹
斷雲殘雨送行衣

石倉歷代詩選卷三百七十二